


**Los ntawm Thawj
Tswj Hwm Henry B. Eyring**

Tus Pab Cuam thib lb hauv
Thawj Pawg Thawj Tswj Hwm



Key Zoo Siab rau cov uas Peb Hlub

Peb sawv daws xav kom cov uas peb hlub muaj kev zoo siab, thiab tsis xav kom lawv raug kev nyuaj siab. Thaum peb nyeem tej zaj txog kev zoo siab—thiab kev nyuaj siab—nyob hauv Phau Ntawv Maumoos, ua rau peb lub siab xav txog cov uas peb hlub. Nov yog ib zaj tseeb txog ib lub caij zoo siab:

“Thiab tau muaj tias twb tsis muaj kev sib cav sib ceg rau hauv thaj av, vim yog Vajtswv txoj kev hlub uas tau nyob hauv cov neeg tej siab.

“Thiab tsis muaj tej kev xav tau luag tug, los sis tej kev sib cav sib ceg, los sis tej kev sib thab, los sis tej kev ua niam ntiav, los sis tej kev dag, los sis tej kev tua neeg, los sis ib yam kev xav sib daj sib deev li; thiab tseeb tiag tsis tau muaj ib co neeg ua zoo siab tshaj nyob hauv tag nrho cov neeg uas tau raug tsim los ntawm Vajtswv txhais tes.”

Ces peb nyeem hais tias:

“Thiab lawv tau koob hmoov heev! Vim tus Tswv tau foom koob hmoov rau lawv nyob rau tag nrho tej uas lawv ua; muaj tseeb tiag, lawv twb tau koob hmoov thiab vam meej mus txog ib puas thiab kaum xyoo tau dhau mus; thiab thawj tiam neeg txij li Khetos los tau dhau mus, thiab tsis tau muaj kev tsis sib haum nyob txhua qhov hauv thaj av” (4 Nifais 1:15–16, 18).

Cov ntseeg Khetos uas muaj kev siab hlub thov Vajtswv thiab ua hauj lwm kom tau cov koob hmoov zoo li no pub rau lwm tus thiab pub rau lawv tus kheej. Los ntawm tej zaj nyob hauv Phau Ntawv Maumoos thiab, los ntawm tej uas muaj los rau peb feem coob, peb thiaj paub tias peb txais

tau kev zoo siab. Peb paub tias muaj ntaus lub cim nyob ntawm txoj kev zoo siab. Peb kuj paub hais tias yeej tsis yooj yim muaj kev zoo siab txhua lub sij hawm tsuas yog, xws li cov Neeg Nifais tom qab tus Cawm Seej tuaj xyuas lawv, “Vajtswv txoj kev hlub” nyob hauv peb lub siab.

Txoj kev hlub ntawd nyob hauv cov Neeg Nifais lub siab vim lawv ua raws li txoj kev cai. Lub ntsiab ntawm txoj kev cai ntawd nyob hauv ob zaj lus thov Vajtswv rau lub cim nco txog, uas pib nrog ib txoj kev thov rau peb Leej Txiv Saum Ntuj Ceeb Tsheej uas hlub peb. Peb muaj siab ntseeg thiab muaj kev hlub rau peb tus Cawm Seej thaum peb thov Vajtswv. Peb rau siab ntso ris Nws lub npe, nco ntsoov Nws, thiab ua raws li Nws cov lus txib. Thaum kawg, peb muab siab rau ntseeg hais tias tus Vaj Ntsuj Plig Dawb Huv, tus thib peb ntawm Pawg Vajtswv, yuav nrog nraim peb nyob, ua tim khawv rau peb lub siab txog Leej Txiv thiab Nws Leej Tub uas Nws hlub. (Saib Q&K 20:77, 79.)

Nrog rau tus Vaj Ntsuj Plig Dawb Huv, peb lub siab yuav hloov ua rau peb yuav xav tau thiab tos txais peb Leej Txiv Saum Ntuj Ceeb Tsheej thiab tus Tswv Yexus Khetos txoj kev hlub. Kev txais tau Vajtswv txoj kev hlub nyob hauv peb lub siab yeej yooj yim, ib yam li txoj kev poob txoj kev hlub nyob hauv peb lub siab kuj yooj yim thiab. Piv txwv hais tias, tej zaum ib tug neeg yuav xaiv thov Leej Txiv Saum Ntuj Ceeb Tsheej tsawg dua li qub los sis tsis them ib feem kaum ntxiv los sis tsis txhob kawm Vajtswv txoj lus tsis tu tsis tseg los sis tsis quav ntsej txog cov pluag thiab cov uas xav tau.

Ib yam dab tsi peb ua uas tsis yog raws li tus Tswv tej lus txib yuav ua kom tus Ntsuj Plig tawm ntawm peb lub siab. Thaum tsis muaj tus Ntsuj Plig, ces kev zoo siab ploj zuj zus mus.

Kev zoo siab uas peb xav tau rau cov uas peb hlub nyob ntawm seb lawv xaiv dab tsi. Txawm peb hlub ib tug me nyuam, ib tug neeg uas peb qhia, los sis peb cov phooj ywg npaum li cas los, peb yuam tsis tau lawv kom lawv ua raws li cov lus txib ua rau lawv thiaj tsim nyog muaj tus Vaj Ntsuj Plig Dawb Huv uas tshoov thiab hloov lawv lub siab.

Yog li ntawd txoj kev pab zoo tshaj uas peb pub tau yog tej yam twg uas koj cov uas peb hlub kom lawv xav txog tej yam lawv xaiv zoo zoo. Amas tau hais ib co lus uas tej zaum nej hais tau thiab:

“Tiam sis nej yuav tsum txo nej tej hwj chim rau tus Tswv, thiab hu nws lub npe dawb huv, thiab xyuas thiab thov tsis tu ncu, kom nej yuav tsis raug ntxias tshaj qhov uas nej tiv taus, thiab xwv kom yuav raug tus Ntsuj Plig Dawb Huv koj, rais los mus ua neeg txo hwj chim, siab dawb siab zoo, zam rau lwm tus, ua siab ntev, muaj kev hlub puv npo thiab muaj kev ua siab ntev nyiaj huv tib si;

“Muaj kev ntseeg rau tus Tswv; muaj txoj kev cia siab tias nej yuav tau txais txoj sia nyob mus ib txhis; muaj Vajtswv txoj kev hlub nyob hauv nej tej siab tas mus li, xwv kom nej yuav raug tsa sawv nyob hauv hnuv kawg thiab nkag mus rau hauv nws qhov chaw so” (Amas 13:28–29).

Kuv thov Vajtswv kom cov uas nej hlub yuav txais nej cov lus caw kom xaiv txoj kev zoo siab uas kav ib txhis.

QHIA LOS NTAWM TSAB XOY NO

Thawj Tswj Hwm Eyring qhia hais tias peb txoj kev zoo siab nyob hauv lub neej no nyob ntawm seb peb txiav txim siab li cas. Thaum nej sib tham txog zaj lus no, cia li xav seb puas tsim nyog tsom ntsoov rau tej yam uas Thawj Tswj Hwm Eyring qhia txog tej yam uas peb muaj peev xwm xaiv ua (xws li kev thov Vajtswv, kev ua hauj lwm, kev muab siab rau ntseeg, thiab kev cog lus tiag tiag) kom koj peb mus rau hauv txoj kev zoo siab. Tej zaum koj caw tau cov uas koj qhia kom lawv sau ob peb yam cia uas lawv xav ua kom koj tau lawv mus rau “txoj kev zoo siab uas kav ib txhis.”

COV HLUAS

Tej Yam uas Koj Tau rau Kev Zoo Siab

Thawj Tswj Hwm Eyring qhia hais tias, “kev zoo siab uas peb xav tau rau cov uas peb hlub nyob ntawm seb lawv xaiv dab tsi.”

Los ntawm Nifais, Lamas, thiab Lemu-ees tus yam ntxwv, koj nyeem tau tej yam uas muaj dhau los ntawm tej yam yus xaiv. Lamas thiab Lemu-ees yws yws thiab tsis tau xav ua raws li cov lus txib (saib 1 Nifais 2:12). Yog li ntawd, lawv thiab lawv cov xeeb leej xeeb ntxwv raug foom tsis zoo thiab raug txiav tawm ntawm tus Tswv lub xub ntiag (saib 2 Nifais 5:20–24). Nifais xaiv ua raws li cov lus txib (saib 1 Nifais 3:7), thiab vim li ntawd, nws thiab nws cov neeg “tau ua neej nyob zoo siab kaj siab lug” (2 Nifais 5:27).

Koj muaj peev xwm xaiv ua ncaj ncees thiab muaj kev zoo siab. Tiam sis cov neeg nyob ncig koj tej zaum yuav xaiv ua tej yam tsis zoo uas ua rau lawv tu siab thiab poob siab. Txawm tej yam lawv xaiv li ntawd yeej nyob ntawm lawv, koj tus yam ntxwv pab tau lawv xaiv tej yam zoo. Qhov uas koj xaiv ua zoo yuav koj kev zoo siab rau lwm tus li cas? Nrog koj tsev neeg sib tham txog tej yam uas koj ua tau kom pab cov ib puag ncig koj ua zoo thiab pab lawv muaj kev zoo siab.

COV ME NYUAM

Kev Sim Ua Siab Zoo

Thaum Yexus mus xyuas cov neeg nyob hauv Amelikas, Nws qhia lawv kom lawv sib hlub thiab ua siab zoo. Koj yuav ua dab tsi kom raws Yexus thiab hlub lwm tus? Ntawm no yog ob peb lub tswv yim. Cia li khij txhua yam tom qab koj tau ua.

- Kuv tau khawm ib tug neeg uas tu siab.
- Kuv tau nyiaj pab ib tug neeg.
- Kuv tau nyeem los sis saib ib zaj hauv rooj sab laj uas hais txog kev ua siab zoo.
- Kuv tau hu nkauj ib zaj nkauj los ntawm lub Koom Haum Me Nyuam Yaus rau kuv tsev neeg mloog.
- Kuv tau luag nyav rau ib tug uas muaj ntsis kho siab.
- Kuv tau _____.
- Kuv tau _____.



Tsev Neeg: Ib zaj Lus Tshaj Tawm rau lub Ntiaj Teb

Ua tib zoo thov Vajtsuv kawm tej yam no thiab nug seb koj yuav tsum qhia dab tsi. Qhov uas koj to taub cov lus qhuab qhia txog tsev neeg yuav foom koob hmoov li cas rau cov uas koj mus saib xyuas tom tsev? Kom tau ntaub ntauwv xov xwm ntxiv, cia li txuas rau reliefsociety.lds.org.

**Kev Ntseeg, Tsev Neeg,
Kev Pab**

Hais txog kev sib ntsib ntawm lub Koom Haum Niam Tsev nyob rau xyoo 1995, thaum Thawj Tswj Hwm Gordon B. Hinckley (1910–2008) nyeem “Tsev Neeg: Ib zaj Lus Tshaj Tawm rau lub Ntiaj Teb,” Bonnie L. Oscarson, tus tuam thawj tswj hwm ntawm lub Koom Haum Ntxhais Hluas, hais tias: “Peb ris txiaj thiab saib zaj lus uas txais los ntawm kev tshwm sim no rau nqi vim nws meej, yooj yim to taub, thiab muaj tseeb. . . . Zaj lus tshaj tawm txog tsev neeg twb yog peb txoj kev saib seb neeg ntiaj teb tej lub tswv yim puas zoo, thiab kuv ua tim khawv hais tias tej ntsiab cai uas lawv sau rau hauv zaj lus no muaj tseeb hnuv no ib yam li tej lus no muaj tseeb txij thaum Vajtsuv tus yaj saub tau muab tej no rau peb 20 xyoo tas los.”¹

Carole M. Stephens, tus pab cuam thib ib nyob hauv lub Koom Haum Niam Tsev pawg tuam thawj tswj hwm hais tias, “Los ntawm zaj lus tshaj tawm txog tsev neeg, peb kawm hais tias, ‘Nyob rau lub qub neej, tej tub ntsuj plig thiab tej ntxhais ntsuj plig tau paub thiab teev tiam Vajtsuv ua lawv Leej Txiv uas Nyob Mus Ib Txhis Li.’² . . .

“. . . Peb txhua tus koom nrog Vajtsuv tsev neeg thiab Vajtsuv xav tau peb.”²

Peb nyob hauv ib lub caij nyooj thaum cov niam tsev txiv tsev yuav tsum pov hwm lawv tsev neeg. “Tsev Neeg: Ib zaj Lus Tshaj Tawm rau lub Ntiaj Teb” coj tau peb txoj hau kev.

Vaj Lug Kub Ntxiv

Mauxiyas 8:16–17; Lus Qhuab Qhia thiab Kev Khi Lus 1:38

Zaj Dab Neeg uas Muaj Sia

“Lee Mei Chen Ho los ntawm Pawg Ntseeg Tao Yuan Third, Ceg Txheem Ntseeg Tao Yuan Taiwan, hais tias zaj lus tshaj tawm no qhia nws hais tias nws tsev neeg pab nws coj tej cwj pwm li Vajtsuv xws li kev ntseeg, kev ua siab ntev, thiab kev hlub. Nws hais tias, “Thaum kuv sim ua zoo dua raws li qhia nyob hauv zaj lus tshaj tawm, ua rau kuv txais tau kev zoo siab tiag tiag.”⁴

Barbara Thompson, tus uas nyob thawj zaug tau nyeem zaj lus tshaj tawm thiab tom qab ntawd ua hauj lwm ua ib tug pab cuam nyob hauv lub Koom Haum Niam Tsev pawg tuam thawj tswj hwm hais tias: “Kuv xav ib me plig hais tias [zaj lus tshaj tawm txog tsev

neeg] tsis hais txog kuv vim kuv tsis tau yuav txiv thiab kuv tsis tau muaj me nyuam. Tiam sis ua rau kuv xav kiag tom qab ntawd hais tias, ‘Tiam sis zaj no hais txog kuv thiab. Kuv muaj ib tsev neeg. Kuv yog ib tug ntxhais, ib tug viv ncaus, ib tug pog, ib tug niam tais, thiab ib tug ntxhais xeeb ntxwv. . . . Txawm kuv yog tib tug neeg uas tseem muaj txoj sia nyob hauv kuv tsev neeg, kuv tseem yog ib tug neeg nyob hauv Vajtsuv tsev neeg.’⁵

LUS CIM

1. Bonnie L. Oscarson, “Defenders of the Family Proclamation,” *Liahona*, Tsib Hlis Ntuj 2015, 14–15.
2. “Tsev Neeg: Ib zaj Lus Tshaj Tawm rau lub Ntiaj Teb,” *Liahona*, Kaum Ib Hlis Ntuj 2010, 129.
3. Carole M. Stephens, “Peb Tsev Neeg Los ntawm Vajtsuv Los,” *Liahona*, Tsib Hlis Ntuj 2015, 11.
4. Nicole Seymour, “The Family: A Proclamation to the World’ reaches 10-Year Milestone,” *Liahona*, Kaum Ib Hlis Ntuj 2005, 127.
5. Barbara Thompson, nyob hauv *Daughters in My Kingdom: The History and Work of Relief Society* (2011), 148.

Xav Txog Qhov No

“Tsev Neeg: Ib zaj Lus Tshaj Tawm rau lub Ntiaj Teb” yog ib zaj lus rau peb lub caij nyooj li cas?